

Бугун Оврўпанинг қаршисида ягона нажот йўли - Ислом йўли турибди



17:10 / 19.03.2019 3542

Фарбда фаровонлик ва турмуш лаззатлари зиёдалашгани сайин инсонлар хотиржам бўлиш ўрнига тобора чуқур руҳий изтироб ва безовталик гирдобига шўнғиб кетишишмоқда. Фарб ҳазорасининг моддият асосига қурилгани, дин, руҳоний қадриятлар ғарбликларга таъсирини аллақачон йўқотиб бўлгани сабабли жуда тубан кетиб қолишиди. Бунинг оқибатида ана шундай шомил, чуқур безовталиқда қолганларини англаб етишди.

Фарб дунёсининг ақлли кишилари, мутафаккирлари йўқотган диний руҳониятларини излаш, бир вақтлардаги юксак ахлоқли жамиятни қўмсаш билан оворалар. Узоқ йиллар «жамият ривожига тўғаноқ» тамғаси билан «калтаклаб» келинган черков руҳонийлари тумтарақай бўлиб кетган қавмларини яна ибодатхоналар қучоғига қайтариш учун не кўйларга тушишмаяпти. Бу йўлда давлат ва черков кенг ҳамкорлик бошлаган. Аммо черков воизлари қандай тарғибот-даъват усулларини қўллашмасин, диний халқалар тўплашнинг иложи бўлмаётир. Роҳиб ва попларнинг Оврўпа ва Америкадаги кинотеатрлар, рақс клублари, томошахоналар ва бошқа кўнгил очиш жойларида «бузилган ва қўрс-қайсар» ёшларни насронийликнинг асрий анъаналарига қайтариш йўлида жон-жаҳд билан уринишлари қақроқ ерга тушган томчидай изсиз кетяпти.

Фарбда бирор иш чиқаролмаган дайди тарғиботчилар (миссионерлар) иш фаолиятларини шарқقا, аҳолисининг асосий қисми мусулмон ўлкаларга

кўчиришдан бошқа илож тополмай қолиши. Холливуддай бузуқлик уяси ҳам диний фильмлар ишлаб чиқаришга киришгани ахволнинг ниҳоятда ташвишли ва хатарли тус олаётганидан дарак беради. Турли жамиятлар, марказлар, илм ўчоқлари, маданият муассасалари ғарбликларни ахлоқий қуролланишга, диний-ахлоқий фаолиятни кучайтиришга, маънавиятнинг асл ўзанларига қайтишга, диний қадриятларга амал қилишга даъват қилишдан чарчамаяпти.

Инсоннинг ташқи муҳит таъсирлари ва турли хасталикларга қарши фитрий қаршилиги (иммунитети) йўқолса, у жиндай табиий ўзгаришлар ёки арзимас касалликлар олдида ожиз бўлиб қолади, тезда таслим бўлади ва охири ҳалокатга юз тутиши мумкин. Ҳар қандай мафкура ёки тузум ҳам ўз шаъни ва яшовчанлигини ҳимоя қилиш учун қаршилик кўрсатиш иммунитетига эга бўлиши керак. Дин жамиятни турли иллатлар, қабиҳлик ва жиноятлардан, бузуқлик ва жаҳолатдан ҳимоя қилувчи кучли иммунитетдир. Жамият ҳам ўз навбатида қаршилик иммунитетидан ажраб қолмаслик учун динини асраб, ҳимоя қилишга бурчли. Агар жамиятда бошқарув низоми, эътиқодий дастур йўқолса, инсонлар асл фитрий қиёфаларини йўқотиб, ҳайвонга айланишган ва алал-оқибат инсонийликдан маҳрум бўлиб, ҳалокат сари кетишган бўлур эди.

Буни бугунги Ғарб олами мисолида кўриш мумкин. Бу жамият ўзидағи ана шу иммунитетни йўқотиб, ўрнига «демократия», «ҳурлик», «эркинлик» ниқоби остидаги ҳайвоний ҳирс ва нафсий бузуқликларни таклиф этмоқда. Бу жамиятда бангиворлик, фоҳишалик, ахлоқни назар-писанд қилмай кўнглига ёқкан ишни bemalol қилиш (бу уларда «инсон ҳуқуқлари» деб аталади) каби иллатлар қадрият эмиш, буларни ҳурмат қилиш керак эмиш.

Эркакнинг эркакка турмушга чиқиши (масалан, англиялик таникли қўшиқчи Элтон Жон бутун дунёning кўз ўнгидаги ўзи каби эркакка «тегди»), аёлларнинг bemalol танфурушлик қилиши (Ғарбда фоҳишаларнинг ҳатто касаба уюшмасию маҳсус газетасигача бор), мактаб партасидаги қизнинг никоҳсиз туғиб қўйиши каби мусулмонлар учун фожиа саналган ҳодисалар уларда қадрият ҳисобланса, бу, жамиятнинг инқирози яқинлашганидан далолат бермайдими?

Яқинда Олмонияда ўз туғишган синглисига уйланиб, ҳатто ундан фарзанд кўрган бир маҳлуқни (одам дейишга тил бормайди) маҳкамага тортишди ва қамоқقا жўнатиши. Ўша маҳлуқ бу ифлосликка Оврўпадаги Ҳолландия, Белгия каби айрим мамлакатлар қонунчилигига рухсат берилганини рўкач қилган эмиш.

Инсон фитратига мутлақо зид бўлган ярамасликларни ҳимоя қилаётган «демократия» бу билан унинг иммунитетини йўқ қилмоқчи эмасми? Худди иммунитети йўқолган ёки камайган одам касаллик туфайли ҳалок бўлгани каби ифлосликларга қаршилиги сўнган жамиятлар тез орада ҳалок бўлмайдими? СПИД деган бедаво дардга ҳам «иммунитет тахчиллиги синдроми» деб маъно берилиши инсонларни ҳушёрликка чақирмайдими?

Аммо энди кеч! Поезд аллақачон кетиб бўлган. Эскилик, қолоқлик, инквизиция ўчғи, деб лаънатланган дин аллақачон жамият ҳаётидан қисиб чиқарилган. Одамлар қалбидан Аллоҳга ва охират кунига бўлган ақида тортиб олинган. Унда-бундаги ҳувиллаган муҳташам ва ҳашамдор черковлар эскириб, қийматини йўқотган кўхна ақидаларини қанчалик ўлиб-тирилиб ҳимоя қилишмасин, моддапарастлик, даҳрийликка мубтало кишиларни ишонтира олмаяпти. Жамиятдаги руҳий бўшлиқни тўлдириш, асл инсоний қадриятларга қайтариш, одамлар қалбини чулғаган ваҳима, эртанги кунга ишончсизлик, ҳаётдан тўйиш, ялпи ахлоқсизлик каби иллатлардан бирданига ҳалос эта олишга қодир ягона куч – Ислом экани тобора ойдинроқ бўлиб боряпти. Буни ғарбнинг аҳли тамизлари, йирик олим ва сиёсатдонлари, фозил мутафаккирлари очик тан олишга мажбур бўлишяпти.

Англиялик Ричард Билл Ислом динини узоқ ўрганиши натижаси ўлароқ, ушбу фикрларини изҳор қиласди: «Оврўпа катта инқирозлар арафасида турибди. Унинг ялтироқ, кўз ўйнатувчи сатанглиги ортида ахлоқсизлик, жоҳиллик, ваҳшат, қалб хасталиклари, ўз жонига қасд қилиш, гиёҳвандлик, ичкиликбозлик, номус топталиши ва бошқа иллатлар яширган. Ўзаро ҳурмат, ишонч, муҳаббат туйғулари йўқолиб боряпти. Инсоний хислатларнинг унутилиб кетаётгани жуда аянчли. Оврўпалик кишилар бугун фақат моддий дунё ҳисобигагина кун кечирмоқда. Ўлим қўрқуви уларни домига тортган. Оилавий бирдамлик ва унинг аъзолари орасида алоқалар бузилиб боряпти. Давлат кишилари бу муаммолардан чиқиши эшигини топа олмай гаранглар. Бугун Оврўпанинг қаршисида ягона нажот йўли – Ислом йўли турибди. Ундан бошқа ҳеч қандай чора йўқ!»

Атоқли фаранг адаби Виктор Гюго бундан ҳам аччиқроқ ҳақиқатни очади: «Ҳаётимиз ҳалокат ёқасида, десам, ҳақиқатни яширган бўламан. Ҳаётимиз ҳалокат ёқасида эмас, ҳалокат домида экани ҳақиқатdir. Бутун диққат-эътиборни фақат шу дунё ҳаётигагина боғлаш, ундан кейин ҳеч қандай ҳаёт йўқ, деган ақидани уқдириш орқасида инсон аллақачон чоҳга улоқтириб бўлинган. Бугунги кундаги барча қийинчиликларнинг, ечимсиз

муаммоларнинг асосий сабабчиси ана шу тубан ақидадир... Бизнинг вазифамиз инсонларни ўлим ортида ҳам ҳаёт борлигига, унда адолат қарор топишига, ҳар ким қилмишига яраша жазо ёки мукофот олишига ишонтиришдир».

Чикаго (АҚШ)даги тиб дорилфунуни ректори Паул Эрнст Адолф шундай ёзади: «Буюк пайғамбар Исо алайҳиссалом: «Кимда-ким руҳий хотиржамликни йўқотган экан, ҳар қанча тўкин моддий бойлик унга фароғат ва манфаат баҳш этолмайди», деган экан. Мен шундай хуносага келдимки, беморнинг жисмини дори-дармон билан, руҳини эса Аллоҳга бўлган ишонч билан даволамоқ керак. Айнан раҳматгина беморнинг тузалиб кетишига ёрдам бериши мумкин».

Дамашқлик машҳур Ислом олими Мустафо Ҳусний шундай фикр юритади: «Ғарб ҳазораси инсоният эришган моддий ҳаётнинг энг юқори чўққиси ҳисобланади. Лекин унинг якка ўзи одамларни баҳтли қила олмайди... Энди бу ўринда келажакда ўз вазифасини қойилмақом уddeлайдиган бир миллат - у ҳам бўлса, бизнинг Ислом миллатигина қолди. Эртанги ҳазора байроғини биздан ўзгаси кўтаришга қодир эмас. Бу қуийдаги сабаблар билан изоҳланади: биринчидан - биз тарихда ҳазоралар барпо этган энг улуғ ақидалардан бирининг эгасимиз, иккинчидан - биз ижобий ва ижодий руҳоният соҳибларимиз, учинчидан - келажак ҳазорасини барпо этишга қодирлигимизни аввал ҳам ўтмишда исботлаганмиз... Келажак ҳазорасининг жиловини ўз қўлимиизга олган пайтимиизда Аллоҳнинг борлигини инкор қилишга далил топиш учун фазога учмаймиз. Бошқа миллат ва элатларни ўз нуфуз доирамизда сақлаш учун қитъалараро ракеталарни таҳдид қуроли қилмаймиз. Радиони - йўлдан уриш, кинони - фитна қилиш, аёлни - жисм учун лаззат воситаси қилмаймиз. Тараққиётимиздан қолоқ элатларнинг бойликларини эгаллаб олиш ва ғурурларини топташ учун дастак сифатида фойдаланишга интилмаймиз».

Бу ҳақиқат, яъни инсониятнинг икки дунё саодатига эришиши учун, руҳий ва моддий олами ўзаро мутаносиблиқда бўлиши учун бирдан-бир нажот йўли - Аллоҳ таолонинг охирги ҳақ дини Ислом экани ҳақидаги кашфиёт бугунга келиб очилгани йўқ. Аллоҳ таоло буни ўн беш аср муқаддам бандаларига нозил қилган Китобида очиқ-оидин айтиб қўйган: «(Эй уммати Мұҳаммад), **сизлар одамлар учун чиқарилган миллатларнинг энг яхшиси бўлдингиз.** Зоро, **сизлар яхши амалга буюрасиз, исён -гуноҳдан қайтарасиз ва Аллоҳга иймон келтирасиз.** Аҳли китоб ҳам иймон келтирганида эди, ўzlари учун яхши бўларди. Улардан

мўминлари ҳам бор ва (лекин) **уларнинг кўплари итоатсиз кимсалардир»** (Оли-Имрон, 110-оят); **«Шунингдек** (яъни, тўғри йўлга хидоят қилганимиз каби), **сизларни бошқа одамлар устида гувоҳ бўлишингиз ва Пайғамбар сизларнинг устингизда гувоҳ бўлиши учун ўртадаги** (адолатли) **бир миллат қилдик»** (Бақара, 143-оят).

Бу ояти карималарнинг мағзига, ботинига чуқурроқ кирайлик. Биз тақдир нидосига бир марта «лаббай» деб жавоб берган ҳолда Ислом байроғини баланд кўтариб, инсониятни амният, хидоят ва нурли чўққилар сари етаклаганмиз, сўнгра байроқни ташлаб, рисолатни адо этишдан ўзимизни олиб қочганмиз. Бугун ҳам бу ояти карима бизларни хавф, безовталик, шаҳват, зулм ва қаттол умидсизлик зулматларида кезиб юрган халқларни халос этиш учун янгидан ҳуррият машъаласини баланд кўтаришга унダメоқда. Чунки ана шу руҳан хаста ва безовта халқлар ўз-ўзларини ўлдиришни нажот йўли деб билишмоқда. Оддий кишилар қурол ёки заҳар билан, миллат ва элатлар эса атом ва хидроген бомбалари билан ўзларини ҳалокатга маҳкум этмоқдалар. Ваҳоланки, уларнинг қаршисида энг тўғри ва умидбахш йўл – Ислом йўли турибди. Улар бу йўлни ё кўрмаяптилар, кўрсалар ҳам, моддий ҳаётнинг қучоқларидан бўшана олмай ва бузук ақидаларидан қутула олмай, ўжарларча кўзларини юмиб олишяпти. Уларга нажот йўлинни кўрсатиб ёки унга йўллаб қўйишга эса биз мусулмонлар бурчлимиз, масъулмиз!

Инсонлар руҳий хаста! Бутунжаҳон Соғлиқни Сақлаш Ташкилотининг маълумотларига кўра, ҳозир дунёда ярим миллиардан ортиқ киши руҳий касалликлар, асаб тизимининг бузилиши қийноқларини бошидан кечирмоқда. Йилига йигирма миллиондан зиёд киши ўз жонига қасд қилишга уринади. Шундан бир миллиони сунқасд туфайли ҳалок бўляпти. Энг қизиғи, жонига қасд қилиш «қолоқ, маданиятдан орқада қолган, ёввойи» мусулмонлар орасида урф эмас. Асосан юксак тараққий этган Ҳолландия, Можаристон, Литва, Скандинавия ўлкалари ҳиссасига тўғри келяпти. Бундан ҳам ажиби – у ерларда одамлар ўзлари яшаётган тўкин, фаровон ҳаётдан безиб, яшашнинг қизиғи қолмаётганидан, инсоний муносабатлар батамом издан чиқиб кетганидан тўйиб, ўз жонларига қасд қилаётгандаридир.

Ғарбона ҳаётнинг зоҳирий жимжималари ортида аянчли ботиний тушкунликлар писиб ётганини англашга кўпчилик қодир эмас. Исломиятдан ташқаридаги инсонлар бешикдан қабргача моддий дунё васвасалари – яхши яшаш, кўпроқ пул топиш, бу йўлда аёвсиз олишиш

каби «жүшқин ҳаёт» ичида бўлишади. Руҳ эҳтиёжларини қондириш ёки бу ҳақда ўйлаб кўришга уларда вақт ҳам, имкон ҳам, хоҳиш-истак ҳам йўқ.

Islom.uz портали таҳририяти